

II CHRONICLES 13

REVIEW...

- **ANG NATUNGA NGA GINHARIAN...**

- o Si Rehoboam – anak ni Solomon – nagkadto sa Shekem para iproklamar nga hari...
 - Si Jeroboam nag balik halin sa Egypt para magtambong sa proklamasyon...
 - Gusto sang Israel nga pamag-anon ang pagbayad sang buhis – kay maalagad sila sa iya
 - Pero wala nagsugot ang si Rehoboham – tungod sina natunga ang Israel
 - Ang sa ibabaw nga bahin (10 ka tribo) ginatawag nga Israel – nangin hari si Jeroboam
 - Ang dalom nga bahin (2 ka tribo) ginatawag nga Juda – nangin hari si Rehoboam
- o Gusto ni Jeroboam nga indi na makadto ang mga tawo sa Jerusalem para magsimba
 - Te, naghimo siya sa bulawan nga baka para simbahon sang mga two...
 - Ginbutang ni Jeroboam ang baka sa Dan – sa punta nga bahin sa Israel
 - Para mangin hapos ang mga tawo nga magsunod sa religion – indi sa tuod nga Ginoo
- o Sa una nga tatlo ka tuig nga paghari ni Rehoboam – nagsunod siya sa Ginoo...
 - Ang rason para ang mga tawo sa Israel nga nagahigugma sa Ginoo – mabalhin sa Juda
 - Pero sang nagbaskog na siya – wala na nagsunod si Rehoboam sa kasuguan sang Ginoo
 - Ang resulta sa ika-5 nga tuig nga iya paghari – gina-atake ni Shishak ang Jerusalem
 - Pero bisan wala gid ginpabayaang sang Ginoo ang Judah kontra sa Egypt
 - Ang Ginoo nagbiya kay Rehoboam kag ang Judah nangin ulipon sang Egipto...
 - Ang rason tungod kay si Rehoboam tungod kay Rehoboam wala nagpangita sa Ginoo...

ANG IKADUHA NGA HARI SANG JUDA... (3 THINGS)

- **1ST – SI ABIA... VS. 1-2**

- o 1st – Si Abia – bata ni Rehoboam – naghari lang sang 3 ka tuig sa Juda
 - Indi siya maayo nga hari – nagsunod siya sa sala sang iya amay... **Read: I Kings 15:1-6**
 - Ang example nga aton ginapakita – amo ang ginasunod sang mga nagatan-aw sa aton
 - Ang example baskog nga butang – kay ginasunod ina sang tawo – malain man ukon maayo
 - Tilawi bala tindog sa guwa kag magtulok sa ibabaw – kay damo masunod sa imo
 - Kon ang tatay nagapakita sang makasasala nga kabuhi – amo man ang sundon sang bata
 - Pero kon ang tatay nagapakita sang Diosnon nga kabuhi – amo man ang iya kabataan...
 - Kabay pa nga kita makahambal pareho sang ginhambal ni Pablo sa
 - I Corinto 11:1 – “Gani sunda ninyo ako, kay ginasunod ko man si Cristo.”
- o 2nd – Si Abia indi pareho kay David...
 - Kon ikomparar si Abia kay David – katingalahan – kay si David may sala man...
 - Ginpabusong niya si Bathsheba kag ginpatay ang ang iya bana nga si Uriah
 - Kag nagbinutig siya sa sulod sang 1 ka tuig – antis niya gintuad ang iya sala
 - Pero si David nagpadayon nga nagdangod pa Ginoo bisan sa iya damo nga mga sala
 - Ang Ginoo wala nagakakibot kon makasala kita – kabalo siya nga makasala kita...
 - Ang importante nga maghinulsol kita kag magdangop sa Ginoo
 - Kay kabalo kita ang Ginoo wala pa natapos sa aton – kundi nagasugod pa lang...

- **Proverbs 24:16** – “Kay bisan makapito pa malaglag ang matarong nga tawo, makabangon man siya gihapon. Pero kon ang malaot ang malaglag, indi na siya makabangon pa.”

- Si Abia wala gid nagdangop sa Ginoo bisan ka kadali lang...
 - Pero ang pagdangop sa Ginoo indi dali lang – kundi asta sa katapusan...
 - Ang pagka Christian daw pareho palumba – may sugod kag katapusan
 - Nagsugod aton palumba sa tion nga ginbaton mo si Jesus – kag matapos asta mapatay ka
 - Kon kis-a nagasugod kita nga baskog sa aton palumba – pero indi makapatapos...
 - Kay abi naton dali lang ang palumba – kag matapos lang dayon – kag mag-untat
 - Pero ang Kristohanon nga pagkabuhi – pareho sa marathon – lawig-lawig
 - Ang pagdangop naton sa Ginoo – indi dali lang – indi sa tion nga may problema
 - Kundi sa tanan nga tion – sa bug-os naton nga kabuhi...

● **2ND - WAR WITH JEROBOAM... VS. 3-12**

- o Nagpakig-away si Abia kay Jeroboam – 400,000 sa Juda kontra 800,000 sang Israel... vs. 3-4
 - Antis sila nag away – nagtindog si Abia kag nagsinggit kay Jeroboam...
 - Mas damo ang Israel komparar sa Juda – pero mapierdi sila tungod sa 6 ka rason
- o 1st – Ang Ginoo may promisa sa kaliwat ni Haring David... vs. 5
 - Ginatumod ni Abia ang wala katapusan nga promisa sang Ginoo sa kaliwat ni David...
 - Ginpromisa sang Ginoo nga ang kaliwat ni David permi magahari - **II Samuel 7:11**
 - Ang ini nga promisa ginatawag nga promisa sang asin
 - Ang buot silingon basta may asin pa sa dagat – ang kaliwat ni David magahari sa Israel
 - Bisano pa ang sala nga mahimo sang Juda ukon ang ila hari – tumanon sang Ginoo ang Iya promisa
 - Tungod kay kon ang Ginoo magpromisa – tumanon gid Niya ina...
 - **II Timothy 2:13** – “Kon indi kita masaligan, siya masaligan pa gihapon, kay indi mahimo nga indi niya pagtumanon ang iya ginahambal.”
 - Ina magahatag sang kasiguruhan sa aton – kay bisan makasala kita sa iya matinumanon siya
 - Pero sang palaanggiran sang nadula nga karnero – ginapangita gid niya ang karnero!
- o 2nd – Nagrebelde si Jeroboam sa Ginoo paagi kay Rehoboam... vs. 6-7
 - Nagbulos si Rehoboam kay Solomon bilang hari pero bata pa siya kag wala pa nabal-an
 - Ginhimuslan ina ni Jeroboam – ginhagad niya ang mga tawo nga magrebelde para mangin hari siya sang Israel...
 - Sa libro sang **I Kings 11:31** ginpromisa sang Ginoo kay Jeroboam nga ihatag sa iya ang Israel
 - Pero nakuha ni Jerobam ang Israel paagi sa iya kaugalingon nga pamaagi...
 - Kon may promisa ang Ginoo sa aton – kinahanglan naton maghulat nga tumanon Niya ina
 - Kay delikado kon imbes nga magsalig kita sa Ginoo – masalig kita sa aton kaugalingon...
 - Kag kita ang nagapangita sang pamaagi nga matuman ang iya ginpromisa sa aton...
 - **Proverbs 10:2** - “Ang manggad nga nakuha sa malain nga paagi indi makahatag sang kaayuhan, pero ang matarong nga pagkabuhi makahatag sing kaayuhan kay makaluwas ini sa imo sa kamatayon.”

- o 3rd – Nagsalig si Jeroboam sa kadamuon sang iya soldado – 800,000 iya soldado... vs. 8
 - Ang 300,000 ka soldado ni Gideon ginhimo sang Ginoo nga 300
 - Para ipakita nga indi importante ang damo
 - Permi kita nagahambal nga ‘sadya kon damo / mas maayo kon damo’
 - Nagapinsar kita kon damo ang nagasimba – maayo ang simbahan – kon dutay – pigaw
 - Ang mga tawo subong nagasalig kag nagatan-aw sa kadamuon sang tawo
 - Abi naton kon damo – ginabugayan sang Ginoo ang simbahan – pero kon dutay wala bugay
 - Pero ang Ginoo nagatan-aw sa tagipusuon sang tawo nga nagahandom sa pagsunod sa Iya

- o 4th – Si Jeroboam nagasalig sa dios-dios nga baka para magluwas sa iya... vs. 8
 - Buang ang tawo nga ang iya pinsar - ‘ang isa kabutang nga akon ginhimo pwede magluwas sa akon’
 - **Isaiah 44:19-20** - “Wala gid sila nagapamalandong kag nagahunahuna sa pagsiling, “Gin-gatong ko ang iban nga mga kahoy, kag nagluto ako sang tinapay kag nagsugba sang karne sa бага sini, kag ginkaon ko ini. Kag karon himuon ko bala nga makangilil-ad nga butang ang nabilin nga kahoy? Magasimba bala ako sa isa ka utod nga kahoy?” Daw pareho lang nga nagkaon siya sang abo. Ang nadulman niya nga hunahuna nagpatalang sa iya, kag indi niya maluwas ang iya kaugalingon. Indi niya mabaton nga ang dios-dios nga ara sa iya indi matuod nga dios.”
 - Makahambal ta nga buang gid eh – ang mga dios-dios indi makaluwas sa aton
 - Sigurado wala diri sa aton kon magpuli kita maluhod kita sa mga estatwa
 - Pero kon kis-a nagakalipat kita kon paano ginhimo ang kwarta – halin ini sa kahoy
 - Kon magtan-aw kita sa mga tawo dira sa kwarta – abi naton sila ang aton kinahanglan...
 - Basi nagapinsar kita nga makabulig sila sa aton – makaluwas ang papel nga halin sa kahoy
 - Kon nagasalig kita dira – wala na kita nagasalig sa Ginoo / wala nga kita nagapamati sa iya
 - Pero ang Ginoo ang may gahom sa pagbulig sa aton/sa pagluwas – ang dios-dios indi
 - Kon magsalig kita sa dios-dios imbes sa Ginoo – wala sang may matabo

- o 5th – Ginsikway ni Jeroboam had ang mga Levita kag mga Pari sang Ginoo... vs. 9-11
 - Ginpalayas niya ang mga two nga gintawag sang Ginoo nga magadala sa mga tawo sa Ginoo
 - Ang mga tawo nga magahalad sang mga insenso kag magsindi sang Menorah
 - Kag ginbuslan niya sang bisan sin-o lang – basta may turo nga baka kag pito ka karnero pwede na himuon nga pari...
 - Ang mga tawo wala nagahigugma sa mga tawo – ara lang sila dira para may swedlo
 - Tungod sila silutan sila sang Ginoo – tungod kay ginapabay-an lang nila ang mga tawo...
 - Damo sang naga pastor subong – kay para sa ila may ubra sila/para may swedlo
 - Pastor sila pero wala sila nagahigugma sa mga tawo/para magbulig sa mga tawo
 - Kundi pastor sila para makakuha sa mga tawo – manghimulos sila sa mga tawo
 - Ang resulta – pagahukman sila sang Ginoo – tungod kay ginaabuso nila ila awtoritdad
 - Ginagamit nila ang pulpit para sa ila kaugalingon nga makaginansiya sa mga tawo
 - Ang resulta ang mga tawo nagaka-init sa simbahan – indi mamati sa Pulong sang Dios
 - **Ezekiel 34:2** - “Tawo, maghambal ka kontra sa mga manugbantay sang Israel. Silinga sila nga ako, ang Ginoong Dios, nagasiling: Kaluluoy kamo nga mga manugbantay sang Israel. Ang inyo lang kaugalingon ang inyo ginatatap! Indi bala nga ang mga manugbantay dapat magtatap sang iya mga karnero?”

- o 6th – Ginakontra ni Jeroboam ang Ginoo... vs. 12
 - Ang Ginoo naga-upod kay Abia – pero ang Ginoo nagakontra kay Jeroboam...
 - Ang mga pari magapatunog sang trumpeta para magapamatuod nga magabulig ang Ginoo
 - Wala na sing pamangkot – kon diin ang Ginoo – amo to ang madaog
 - Pero hapos lang maghambal nga ang Ginoo kaupod ta – pero paano naton mabal-an
 - Kon may fireworks mag New Year – damo lupok kag sanag sa langit
 - Pero kon magtan-aw ka gihapon sa langit tapos sang linupok kag sanag – makita mo ang mas sanag pa gid nga mga bituon sa langit...
 - Mas nami pa gid tan-awon ang bituon – kag ara sila dira kada gab-i...
 - Ang fireworks sang tawo nami pero dasig lang madula kag matapos...
 - Pero ang Iya sang Ginoo – wala katapusan asta san-o...
- 3RD – ANG PAGPANGLIPO... VS. 13-22
 - o 1st – Samtang nagahambal pa si Abia – sekreto nga nagpadala si Jeroboam sag iya soldado vs. 13
 - Nag-atake siya sa likod sang mga soldado ni Abia – para liputon sila
 - Sang nabal-an na nila nga ginlipot sila – sa atubang kag sa likod na ang naga-atake sa ila
 - Maayo nga plano para kay Jeroboam – nagapakita nga bag-uhan pa si Abia
 - Nagapinsar ya si Abia kon ano ang sala ni Jeroboam – nalipatan niya ang pag-atake sa iya
 - Dapat mag-andam kita kon ano ang ginatagaan naton importansiya...
 - Kay madamo nga nagahambal nga mga kristohanon pero ang ila pinsar ang sala sang iban
 - Ginapakita nila ang sala sang iban – ang ila ginafocus ang ila makita nga sala sang iban
 - Ukon ginakomparar nila ang ila kaugalingon sa mga makasasala nga mga tawo
 - Kag makahambal sila ‘mas maayo pa ko ya sang sa ila – kay wala ko ginahimo ang ila ginahimo’
 - Pero wala nila ginasapak ang ila kaugalingon nga sala nga nagalikop sa ila kabuhi
 - Imbes nga mamantay kita sa iban – bantayan naton ang aton kaugalingon nga sala
 - Kag magkabuhi nga nagapakita nga importante ang Ginoo sa aton kabuhi
 - II Peter 2:10 – “labi na gid sa mga tawo nga wala nagapasakop sa iya kag nagasunod lang sa ila mahigko nga mga handom. Ining indi matuod nga mga manunudlo sang Dios nga akon ginatumod mga maisog kag bugalon, kag wala sila nagakahadlok magpasipala sa gamhanan nga mga tinuga.”
 - o 2nd – Sa iya nga kakibot – nagpangayo bulig ang Juda sa Ginoo... 14-18
 - Kon tan-awon perdi gid sila – pareho na nga duha ila kaaway – duha kontra isa
 - Kon tan-awon wala gid sila mahimo / perdi gid sila – pero nagbulig ang Ginoo
 - Ginpatunog sang mga pari ang ila mga trumpeta – kag nagsinggit tudo ang mga soldado
 - Kag ginperdi sang Ginoo ang Israel – basi nagsala-sala ang mga soldado sang Israel
 - Kag ang resulta – ginpamatay sang Juda ang 500,000 ka mga soldado sang Israel
 - Tungod kay ang soldado sang Juda nagsalig sa Ginoo...
 - Sang 1967 ang Israel gin-atake sang mga nasyon sang Arabo – ginatawag nga ‘6 day war’
 - Ang Israel – gin-atake sang 10 ka nasyon sang mga arabo – 10 kontra isa
 - Ang 5 ka nasyon – dasig lang nila naperdi ang mga tanke sang Israel
 - Pero may isa ka istorya nga ang mga buyog – amo ang nag-atake sa mga tanke sang Egypt
 - Nagginuwa ang mga army sa sulod sang tanke – para mapatay sila sang taga-Israel
 - Tungod kay kon ang Ginoo ang makipag-away sa aton – wala sang may makaperdi sa aton

- **Romans 8:31** - “Karon, kon hunahunaon ta ini nga mga butang, makasiling kita nga ang Dios nagaapin gid sa aton, kag wala sing may makahalit sa aton.”
- Kon magapadayon kita dangop sa Ginoo – sigurado gid nga madaog gid kita
- Ang sala/si satanas – indi gid makasarang sa aton
- Tapuson Niya ang kaluwasan nga ginsuguran niya sa aton kabuhi - **Philippians 1:6**

o 3rd – Nakuha ni Abia ang 3 ka city sa border sang Juda... vs. 19-22

- Ang Betel, Jeshana, kag Efron – kag pati ang mga baryo sa palibot
 - Pero nga 3 lang ka city – pwede niya makuha ang bilog nga ginharian
 - Pwede siya makuha ang bilog nga Israel – para nangin isa liwat ka ginharian...
 - Ang iban nagahambal nga basi kabalo si Abia sang plano sang Ginoo
 - Kay naghambal ang Ginoo kay Rehoboam nga matunga ang ginharian – **II Cronica 11:4**
 - Pero gin-agaw lang ni Abia ang Betel tungod kay dira nabutang ang bulawan nga baka
- Wala na gid nabawi ni Jeroboam ang iya gahom – halin sang naperdi siya...
 - Si Abia naman nangin gamhanan na gid – 14 iya asawa – kag 36 iya kabataan...
 - 2 ka nastyon / 2 ka desisyon / pero lain-lain ang resulta – pereho ini sa aton...
 - Ang Ginoo naghimo sang duha ka alagyan sang aton kabuhi – nga aton pilian
 - Pwede kita mangin pareho sa Israel – nga magsalig sa aton kaugalingon pero perdi...
 - Ukon pareho sa Juda – indi perpekto/makasala pero nagadangop sa Ginoo para sa bulig
 - Kag makita naton nga ginapabakod kita sang Ginoo – sa mga ginahimo Niya sa aton!